

*Color* corollæ purpureo-cæruleus, labio inferiore macula majori pallide alba.

In variis differt a *Brunella vulgari*, præsertim in corolla. *Stigma* quadripartitum etjam singulare quid,

## II. ANGIOSPERMIA.

### SIBTHORPIA.

#### 34. *SIBTHORPIA europea.*

*Habitat* in Portugallia, ubi ad Porto legi copiosam ad basin murorum & monticulorum, aqua stillitante perpetuo madentium; & ad arcem Reginæ Lusitanæ Centra, in monte altissimo proxime adjacente; in antropis aridis.

*Facies* Hydrocotyles vel Chrysofenii repentis.

*Radix* fibrosa, annua.

*Radicula* tenuissimæ, fibrosæ, ex radiculis caulis repentis descendunt.

*Caulis* repens, teres, pubescens, palmaris circiter, simplex vel ramosus.

*Rami* si adfunt, pauci, confimiles.

*Folia* alterna, subrotundo-reniformia, petiolata, margine quinque l. septemlobata: lobis omnibus obtuse rotundatis; pilosa; pilis hyalinis, distinctis, sparsis.

*Petioles* teretes, pilosi, folio longiores, ascendentes, ex singula ala 1. 2. 3. 4.

*Flores* solitarii ex alis geniculorum, ante florescentiam erecti, postea deflexi.

*Pedunculus* communiter brevissimus, vix calycis longitudine, teres, pilosus, post florescentiam deflexus sub caule.

*CAL.* *Porianthium* monophyllum, turbinatum, hispidum, quinquefidum, persistens; laciniis erectis, ex hispidis pilis quasi laceratis.

*COR.* *Petalum* unicum, regulare (quantum adhuc vidi), ad basin ferme æqualiter quinquefidum: laciniis subrotundis, concavis, calyce leviter brevioribus.

STAM.